

БУСАГЪАТДАГЪЫ КЪАРАЧАЙ-МАЛКЪАР ТИЛДЕ СЁЗ БЁЛЮМ

Гузеланы Магомедни жашы Жамал, филология илмуланы доктору, Гуманитар тинтиулени Институтуну «Федерал илму араны «Россей академияны илмуларыны Къабарты-Малкъар илму ара» деген Федерал къырал бюджет илму учрежденияны Филиалыны къарачай-малкъар тил бёлюмюню тамата илму къуллукъчусу, kbigi@mail.ru

Махийланы Хамангерийни кызы Людмила, филология илмуланы кандидаты, Гуманитар тинтиулени Институтуну «Федерал илму араны «Россей академияны илмуларыны Къабарты-Малкъар илму ара» деген Федерал къырал бюджет илму учрежденияны Филиалыны къарачай-малкъар тил бёлюмюню тамата илму къуллукъчусу ludmila.makhiieva@mail.ru

Статьяда бусагъатдагъы къарачай-малкъар тилде сёз бёлюм бла байламлы кёп тюрлю соруула тинтиледиле. Анда сёз бёлюмню шартларына, функцияларына, къурамына къаралады.

Аны илму жаны бла жангылыгъы неведи десенг, анда сёз бёлюмле артикуляция бла байламлыкъны къалай жюрютгенлери ачыкъланады. Сёз бёлюмлени тюрлюлери не къарала келгенде тюрк фонетиканы жорукъларына да эс бурулады.

Баш магъананы тутхан сёзле: сёз бёлюм, ачыкъ бёлюм, жабыкъ бёлюм, басымлы бёлюм, ачыкъ бла кысыкъ, сёз бёлюмлени тюрлюлери, жалгъау морфема, фонема.

Сёлешген заманда артикуляция кымылдаула энчи кесекледен къураладыла. Ол кымылдаулары анализ этгенде, бек кысхасын, бек кысха айтылгъанын, энчи этерге боллукъду. Аны кесеклери артикуляция жаны бла бир бирлери бла къаты бирлешипдиле. Аллай фонетика единицагъа сёз бёлюм дейдиле. «Артикуляция жаны бла сёзню бёлюмю юлешинмейди, не ючюн дегенде сёлешу сёз бёлюмледен, бек кысха кесекледен къуралады, ансы тауушладан угъай» [Буланин 1970: 150].

Сёз бёлюмню, аны къуралуууну юсюнден бир къауум илму иш жазылгъанды [Баскаков 1955: 333–334; Ибрагимов 1970; Щербак 1971; 1970; Трофимов 1978, Гузеев 2009 д.б.]. Фразаны, айтымны, сёз тутушну къурамлары къарачай-малкъар тилде, бирси тюрк тилледеча, «экспираторлу» [Баскаков 1984: 425] болгъанларына шарт юлгюле бардыла.

Бирси тиллени сёзлерича, къарачай-малкъар сёзле да бир неда талай фонемадан къураладыла. Аны себепли сёз бёлюм бла фонема сёзню таууш къурамыны баш кесеклеридиле.

Сёзню бёлюмюнде аны фонемаларыны къуралууларына къаралады, сёзню кесинде уа – аны саулай таууш къурамына, къаллай бёлюмледен къуралгъанына эм аланы къурагъан фонемала къайсыла болгъанларына. Алай бла, хар сёз бёлюмлеге юлешинеди, бёлюмле уа бир бирден паузала бла айырыладыла, кеслери да тауушлагъа (фонемалагъа)бёлюнедиле.

Сёз бёлюмлени тюрлюлери

Къарачай-малкъар тилде таууш къурамларына кёре, сёзню бёлюмлери ачыкъла эм жабыкъла боладыла. Ачыкъ бёлюмле деп, ачыкъ тауушха бошалгъан бёлюмлеге айтадыла. Аллай бёлюмле жангыз ачыкъ тауушдан къураладыла.

Кеслерине да аппа-ачыкыла дейдиле (о-ракъ «серп», ё-гюз «вол», у-зун «длинный», а-га «отец» д.б.), неда кысыкъ бла ачыкыны бирлешиулеринден (ба-гъа-лы «дорогой, ценный», те-ге-не «корыто», бу «этот, это, эта»). Ачыкъ сёз бёлюмлени биринчи тюрлюсю къарачай-малкъар тилде жаланда сёзню аллында тюбейди, экинчиси уа – сёзню къалайында да. Жабыкъ сёз бёлюмле деп, бир неда талай кысыкъ тауушлагъа бошалгъан бёлюмлеге айтадыла. Къарачай-малкъар тилде, бирси тюрк тилледеча, жабыкъ бёлюм эки кысыкъгъа бошалады («сонорлу+дауурлу»). Кеслери да тёрт тюрлю боладыла, сёзню тамырында, жалгъауунда да тюбейдиле:

1. АКЪ (ачыкъ, кысыкъ): ат «лошадь», ал «братъ», ёр «подъем», аш «еда»;
2. АКЪКЪ (ачыкъ, кысыкъ, кысыкъ): айт «говорить, сказать», ант «клятва»; юрк «пугаться, шарахаться (об овцах)», эшт «слышать»;
3. КЪАКЪ (кысыкъ, ачыкъ, кысыкъ): жон «стругать», жол «дорога»;
4. КЪАКЪКЪ (кысыкъ, ачыкъ, кысыкъ, кысыкъ): тёрт «четыре», терк «быстро», тинт «исследовать», жорт «скакать», «ехать рысью (о коне)», халкъ «народ», «люди» д.а.к.

Ачыкъ бёлюмле да, кысыкъ бёлюмле да жабылгъанла (кысыкъ тауушладан башланганла), жабылмагъанла (ачыкъ тауушдан башланганла) да болургъа боллукъдула.

Бирси тюрк тилледеча, къарачай-малкъар тилде да жабылгъан бёлюмле кёп тюбейдиле.

Сёзлени бёлюмлеге юлешиюну жорукълары

Сёз бёлюмлеге юч тюрлю жорукъ бла юлешинеди:

1. Ачыкъланы арасындагъы кысыкъ таууш экинчи бёлюмге киреди: а-на-чы «повитуха (женщина, которая принимает роды)», ке-ли-шим «соглашение», «договор» д.а.к.

2. Ачыкъланы ортасында эки кысыкъдан биринчиси аллындагъы бёлюмге, экинчиси уа аны ызындагъы бёлюмге киредиле: ал-ма «яблоко», эс-ки «старый», ар-па «ячмень», тау-лу «горец, балкарец», жай-лыкъ «пастбище» д.а.к.

3. Ачыкъланы арасындагъы юч кысыкъдан ал экиси аллындагъы, ючюнчюсю уа аланы ызындан келген бёлюмлени къурайдыла: арт-макъ «переметная сума, котомка», «мешочек, сумка, сума», айт-дыр «сообщать, передавать что через кого» д.а.к.

Сёз бёлюмню бек керекли кесеги ачыкъ тауушду, ансыз бёлюм къуралмайды. Ол сёз бёлюмню кысыкъ (кысыкъла) бла да, аласыз да къурайды. Къарачай-малкъар тилде, бирси тюрк тилледеча, сёзню бёлюмюнде кысыкъланы саны ючден ары бармайды. Кысыкъ таууш ачыкыны ызындан да, аны аллында да жюрю-тюледиле: ал «братъ», эл «село», хо «ладно, хорошо», ма «на».

Сёзню бёлюмюню ачыкъ тауушсуз къуралмагъаны анда бёлюмлени саны ачыкъланы саны бла бирча болгъанына шагъатлыкъ этеди.

Къарачай-малкъар тилде бир сёз бёлюмню ичинде тауушларыны саны тёртге дери жетеди:

- а) а-ры «туда», о! «эй! слушай!»; э-шик «дверь», ы-ра-зы «довольный», ё-гюз «вол», ю-леш «делить» д.а.к.;
- б) ба-ра-ды-ла «они идут (едут)», ма «на», ач «открывать», са-на-ды «он (она) посчитал (а)» д.а.к.;
- в) баш «голова», жау-лукъ «платок (головной)», къол «рука» д.а.к.;
- г) курт «сугроб», терк-лик «быстрога», «скорость», къурч «сталь» д.а.к.

Сёз бёлюмлени тюрлюлери

Бирси тюрк тилледеча, къарачай-малкъар тилде да сёзню бёлюмлери алты тюрлюге юлешинедиле:

1. А (ачыкъ): а-ры «туда», э-ки «два», у-шаш «похожий», ю-люш «доля», о-ракъ «серп», ё-гюз «вол», ы-шар «улыбаться», и-тиу «утюг» д.а.к. Юлгюлеге

кёре, сёз бёлюмню бу тюрлюсюн ачыкъланы биринден (е) къалгъанлары къурайдыла. Бу бёлюм тюрк тамырлы сёзлени жаланда алларында, кеси да асламысында эки бёлюмлю сёзде тюбейди. Кёп бёлюмлю сёзде бёлюмню бу тюрлюсюн /a/, /o/ ачыкъла бла талай сёзде башлайдыла: а-ралыкъ «перекладина, погон» (къарач.), а-бызыра «теряться, переходить в замешательство», а-шыгыулу къ «срочность, спешность», «торопливость», о-рундукъ «кровать», о-тузунчу «тридцатый», о-раза «ураза», о-тунчу «дровосек» д.а.к. Тилни кесеклеринде бёлюмню бу тюрлюсю болуп жаланда междометияла, байламла эм кесекчикле жюрютюледиле: сен а? «а ты?», а, ангыладым! «а, я понял!», о, сен а! «да ты что!», у, гяуурчук! «эх, чертенюк!» д.а.к.

2. АКЪ (ачыкъ бла къысыкъ): ал «взял», эл «село», юс «натравливать, науськивать кого на кого», ёр «вверх», «выше», ор-та «середина», из-ле «искать», ыр-гъакъ «крючок», ор-танчы «средний», эр-кинлик «свобода, воля, независимость», ус-талыкъ «мастерство», ёк-сюзлюк «сиротство», «беспризорность». В карачаево-балкарском языке довольно много слов, построенных по структуре этого типа слога: ат «лошадь», ай «месяц», ач «голодный», ас «вешать», эл «село», эм «сосать», эн «метка, клеймо, тавро», эт «мясо», ун «мука», уч «летать», ур «бить, ударять», юс «поверхность», юч «три», юр «лаять», юй дом», иш «работа», ич «нутро», ит «собака», ий «посылать, отправлять кого-куда», «отпускать, освобождать кого», он «десять», оз «опережать», «проходить мимо кого-чего», ол «он», ёч «пари», «злость, злоба», ёт «желчь», ён «голос», ёс «расти», ыз «след», ыргъай «щука», ыргъа «акула», ырхы «сель». АКЪ юлгюню сёзлери ачыкъ тауушланы къайсысы бла да башлангъанларына былайда келтирилген сёзде шагъатлыкъ этедиле.

Сёз бёлюмню бу тюрлюсюню энчилиги жаланда биринчи бёлюмде тюбегениди.

3. КЪА (къысыкъ бла ачыкъ): бы-лай «так», бе-ри «сюда», жи-лян «змея», жылы «теплый», «тепло», со-руу «вопрос», то-лу «полный», та-ла «степь», му-дах «грустный, ма-къа «лягушка», къы-зыл «красный», къа-ты «твердый», «твердо», бу «это, эта, этот», ма «на», хо «ладно», де «сказать, говорить», че «спешить, торопиться», не «что», да «и», уа «а», ха! «эй! слушай!».

Башда келтирилген юлгюле сёз бёлюмню бу тюрлюсю асламысында тамыр морфема бла келишгенине шагъатлыкъ этедиле. Сёз бёлюм сёз къураучу неда сёз тюрлендириучю жалгъау болуп да кёп тюбейди: а-ла «они», ме-ни «меня», а-ла-ны-къы «то, что принадлежит им», кёп-ле «многие», иш-ле «работать», чалгъы-чы «косарь» д.а.к. Алай жалгъау сёз бёлюм биринчи, экинчи бёлюмледен эсе ючюнчю бёлюмде аслам тюбейди: къа-ты-лыкъ «твердость», «жестокость», та-за-лыкъ «чистота», къа-ра-лыкъ чернота, темнота», бош-ат-ыл «быть опорожненным, разгруженным», къо-ра-тыу «уменьшение, убавление», жа-ра-тыл «родиться, появиться на свет», тю-кюр-юк «плевок», ча-къыр-ыу «приглашение», ке-лиш-им «соглашение», «договор».

Кёргюзтюлген энчиликле сёз бёлюмню бу тюрлюсюню эркин жюрютюлгенине шагъатлыкъ этедиле.

4. АКЪКЪ (ачыкъ, къысыкъ, къысыкъ): элт «нести, везти кого-что, вести кого куда-л.»; «уносить, увозить кого-что; уводить кого», брать кого-что (с собой)), айт «говорить, сказать», арт «чистить, очищать что», «полоть что», ант «клятва, клятвенное обещание», юрк «встрепенуться, шарахнуться в сторону, испугавшись (о животных)», элт-дир «заставить или попросить кого отвести (отвезти) что куда», арт-ха «назад», ант-лы «верный, преданный».

Сёз бёлюмню бу тюрлюсю жаланда башда келтирилген тамыр морфемалада тюбейди.

Алай бла, АКЪКЪ сёз бёлюм бу тилде бек аз тюбейди.

5. Сёз бёлюмню КЪАКЪ (къысыкъ, ачыкъ, къысыкъ) тюрлюсю жюрютюлюу жаны бла жаланда КЪА (къысыкъ бла ачыкъ) бёлюмге «хорлатады», кеси да

тамыр, жалгъау морфемалада бирча эркин тюбейди: къол «рука», баш «голова», кенг «широкий», кёз «глаз», бир «один», кёл «настроение», «озеро», сан «число», гюл «цветок», жыл «год», тон «шуба», къол-тукъ-лаш «браться под руки», башчы-лыкъ «руководство», «управление», кенг-ден «издали», «издалека», кёз-баулан «льстить, подхалимничать», кёл-сюн-дюр «вдохновлять; воодушевлять кого»; настраивать кого», гюл-лен «цвести, расцветать», жыл-лыкъ «годовой, годичный; годовалый», «годовщина».

6. КЪАКЪКЪ (къысыкъ, ачыкъ, къысыкъ, къысыкъ). АКЪКЪ бёлюмча, бу бёлюм да аз тюбейди. Алай муну андан энчилиги недеди десенг, ол сёзлени тамырларында бла эриклеу сёздеде эркин жюрютюледи: тёрт «четыре», къарт «старый», «старик, старец», журт «рвать, дергать, щипать, выщипывать что», «изнашивать что», тюрт «толкать, пихать кого-что; наталкивать кого», сюрт «вытирать, протирать что», «стереть что», «штукатурить что», «натереть кого-что тело», журт «родина», «дом, жилище», дерт «месть, возмездие», сырт «спина», «плато, плоскогорье», черт «обозначать что», «подмечать что, подчеркивать что (в речи и т. п.)», курт/кюрт «сугроб», къурт «червь», морт «плесенный», «плесень», чорт «прямо, наперерез; поперек; напрямик», жорт «идти рысью (о коне)», чырт «совсем, совершенно», гырт «кусок, ком, комок», къырт (звукоподражание хрусту), шырт (звукоподражание шарканью ногами; трение чего-л.), шарх (звукоподражание внезапному резкому шуму), чыркъ (звукоподражание треску чего-л.), къыркъ «сорок», къайт «возвращаться», къоркъ «пугаться», таркъ (звукоподражание стуку; тук), тарх (звукоподражание выстрелу из ружья; бах!). Бу бёлюм эки неда юч бёлюмлю кесеклени алларында жюрютюледи: къарт-лыкъ «старость», къайт-ар «возвращать кого-что», «повторять что», сырт-лыкъ «плато, плоскогорье», тюрт-гю «грубиян», къоркъ-ут «стращать, пугать, угрожать кому чем; устрашать, запугивать кого», тёрт-гюл-лет «пустить галопом (коня)»; жорт-уу-ул «набег (с целью угона скота, людей)»; къарт-гу-на «очень умный, молодой да ранний», тарт-ын-чакъ-лыкъ «застенчивость, стеснительность», къоркъ-уулу «тревожный», къоркъуу-суз-лукъ «спокойствие», «безопасность».

Сёз бёлюмлени тюрлюлерини юсюнден сагъыннганда, башда айтылган бу затланы билдиреди: 1) жюрютюлюю жаны бла алып къараганда, бёлюмню КЪА (къысыкъ бла ачыкъ) тюрлюсю биринчи жердеди, КЪАКЪ (къысыкъ, ачыкъ, къысыкъ) тюрлюсю экинчи, КЪАКЪКЪ (къысыкъ, ачыкъ, къысыкъ, къысыкъ) тюрлюсю ючюнчю; 2) сёзню бёлюмю къысыкъ бирлешден башланмайды, алай эки къысыкъ бирлеш бла уа бошалады, бирлешни биринчи тауушу жаланда сонорлу болады; мюлк «имущество», монг «сытый», морт «хрупкий» д.а.к.

Белгилисича, студентлеге, ана тиллери бла бирге орус тилни да окъугъанлары себепли, сёзню бёлюмлери тауушларыны къуралыуларына бла бирлешиулерине кёре орус тилде бла ана тиллеринде бирге келишимегенлерин эм аны сылтауу не бла байламлы болгъанын ачыкъларгъа керекди.

Орус тилде сёзню аллында, ахырында да эки, юч, тёрт къысыкъ тауушла бирге жюрюй эселе, къарачай-малкъар тилде уа, башда айтылгъаныча, сёзню аллы къысыкъ бирлеш бла башланмайды, сёзню ахырында да къысыкъ бирлешни экиден кёп тауушу болмайды. Аны себепли орус тилде къарачай-малкъар тилде тюбемеген быллай сёз бёлюмле бардыла: 1) эки къысыкъ бла бир ачыкъдан къуралган: шко-ла; 2) юч къысыкъ бла бир ачыкъдан къуралган: страна; 3) тёрт къысыкъ бла бир ачыкъдан къуралган: вскры-вать; 4) юч къысыкъ бла бир ачыкъдан, дагъыда къысыкъдан къуралган: стрел-ка; 5) тёрт къысыкъ бла бир ачыкъдан, дагъыда къысыкъдан къуралган: вскрыл; 6) тёрт къысыкъ бла бир ачыкъдан, дагъыда эки къысыкъдан къуралган: всплеск; 7) эки къысыкъ бла бир ачыкъдан, дагъыда эки къысыкъдан къуралган: кремль; 8) къысыкъдан, ачыкъдан, дагъыда юч къысыкъдан къуралган: текст; 9) эки къысыкъ бла бир ачыкъдан, дагъыда къысыкъдан къуралган: стаж.

Башда келтирилген шартлагъа кёре, сёзню бёлюмю сёлешуню бирде таууш бла тенг (бёлюм къуру ачыкъ тауушдан къуралса), бирде уа андан уллуракъ кесегиди. Къуралыу жаны бла къарагъанда, сёз бёлюм сёлешую органла азчыкъ ачылып, ауаз да бир кесек кётюрюлюрек болуп къуралады. Сёлешген заманда аууздан чыкъгъан хауаны кючю бла хар сёз кесеклеге юлешинеди. Сёзню аллай кесеклерини саны аны ачыкъ тауушларыны саны бла бирге келишеди. Ол кесеклени хар бирин ачыкъ таууш кеси неда къысыкъ таууш (неда къысыкъ тауушла) бла бирге къурайды.

Сёзню бёлюмлери ачыкъла бла къысыкъла боладыла. Ачыкъ бёлюмле эки тюрлюдюле: 1) эки жаны да ачыкъ бёлюмле, къуру ачыкъ тауушладан къуралгъанла; 2) бир жаны ачыкъ бёлюмле, ачыкъ таууш бла къысыкъ тауушдан къуралгъанла.

Жабыкъ бёлюмле да тёрт тюрлюге юлешинедиле. Тилде сёзлени бёлюмлерини тюрлюлери барысы да бирча эркин жюрютюлмейдиле. Кёп тюбеучюлеге бу юч тюрлюсюн санаргъа болады: 1) А (ачыкъ); 2) КЪА (къысыкъ, ачыкъ); 3) КЪАКЪ (къысыкъ, ачыкъ, къысыкъ). Была сёзлени ненча бёлюмлюсюнде да эркин жюрютюледиле. Саулай айтханда, тёрт тауушлу бёлюм: КЪАКЪКЪ (къысыкъ, ачыкъ, къысыкъ, къысыкъ) аз хайырланылады, кеси да юч эм бир бёлюмлю сёздеде тюбейди, аллай сёзле бизни тилибизде бек аздыла.

Къуралгъан сёзлени бёлюмлери да бешдан аслам болмайдылы. Сёз ючюн: кёзюл-дю-ре-уюк, а-дам-лыкъ-сыз-лыкъ, би-лим-сиз-лик-ден эм башхала.

Сёзлеге жалгъаула къошулгъанда, аланы бёлюмлери бирде тюрленедиле, бирде уа тюрленмей къаладыла. Сёзню бёлюмлери, анга къысыкъ бла башланган жалгъаула къошулгъанда, тюрленмейдиле, ачыкъдан къуралгъан неда ачыкъ бла башланган жалгъаула къошулсала уа, тюрленедиле.

Сёзню бёлюмюню юч энчилиги барды. Ала бёлюмлени къаллай бирге созулуп, къаллай кюч бла айтылгъанлары эм ачыкъ, кесгин эшитилгенлери неда эшитилмегенлери бла байламдыдыла. Сёз ючюн, басымлы бёлюм бирси бёлюмледен эсе узуннга созулуп, ачыкъ эм кесгин айтылады. Ол бегирекда къуралмагъан сёздеде иги эсленеди.

Хайырланылгъан литература

1. *Баскаков Н.А.* Структура слога в тюркских языках // ИСГТЯ. М., 1955. Ч. 1. Фонетика. С. 333–336.
2. *Баскаков Н.А.* Предложение в турецком языке. М.: Наука. Главная редакция восточной литературы, 1984. 200 с.
3. *Буланин Л.П.* Фонетика современного русского языка. М.: Высшая школа, 1970. 207 с.
4. *Гузев Ж.М.* Карачаево-балкарская фонетика. Нальчик, 2009. 240 с.
5. *Ибрагимов Т.И.* Изучение образования слогов и структуры их сочетаний в татарском литературном языке: Автореф. дисс. ... канд. филол. наук. Казань, 1970. 20 с.
6. *Трофимов М.И.* Фонетические процессы в слоге в современном уйгурском языке. Алма-Ата: Наука, Казахский ССР, 1978. 120 с.
7. *Щербак А.М.* Сравнительная фонетика тюркских языков. Л.: Наука, Ленинградское отделение, 1970. 204 с.
8. *Щербак А.М.* О некоторых особенностях образования падежных форм в тюркских языках // Вопросы языкознания. М., 1971. № 1.

Къысхартыула

АКЪКЪ – ачыкъ, къысыкъ, къысыкъ

КЪА – къысыкъ, ачыкъ

КЪАКЪ – къысыкъ, ачыкъ, къысыкъ

КЪАКЪКЪ – къысыкъ, ачыкъ, къысыкъ, къысыкъ

КЪАКЪКЪКЪ – кысыкъ, ачыкъ, кысыкъ, кысыкъ, кысыкъ
КЪКЪА – кысыкъ, кысыкъ, ачыкъ
КЪКЪАКЪ – кысыкъ, кысыкъ, ачыкъ, кысыкъ
КЪКЪАКЪКЪ – кысыкъ, кысыкъ, ачыкъ, кысыкъ, кысыкъ

СЛОГ В СОВРЕМЕННОМ КАРАЧАЕВО-БАЛКАРСКОМ ЯЗЫКЕ

Гузев Жамал Магомедович, доктор филологических наук, ведущий научный сотрудник сектора карачаево-балкарского языка Института гуманитарных исследований – филиала Федерального государственного бюджетного научного учреждения «Федеральный научный центр «Кабардино-Балкарский научный центр Российской академии наук» (ИГИ КБНЦ РАН), kbigi@mail.ru

Махиева Людмила Хамангериевна, кандидат филологических наук, ведущий научный сотрудник сектора карачаево-балкарского языка Института гуманитарных исследований – филиала Федерального государственного бюджетного научного учреждения «Федеральный научный центр «Кабардино-Балкарский научный центр Российской академии наук» (ИГИ КБНЦ РАН), liudmila.makhiieva@mail.ru

Статья посвящена исследованию вопросов, связанных со свойствами и функциями слога и слоговой структуры в современном карачаево-балкарском языке.

Научная новизна работы заключается в том, что в ней впервые рассматриваются вопросы слоговой структуры слова с учетом его функциональных и описательных особенностей. В статье выявляется ряд фонетико-фонологических факторов, определяющих значимость слога и слогораздела в исследуемом языке, анализируются теоретические положения слога, слоговой структуры слова. Помимо общетеоретических положений, представленная в исследовании концепция слогораздела опирается на основные правила тюркской фонетики.

В работе отмечается, что в тюркологии существует несколько теорий слога. Наиболее приемлемой для современного карачаево-балкарского языка является сонорная теория, основывающаяся на акустическом критерии.

Как и другие тюркские языки, исследуемый язык располагает шестью структурными типами слогов, которые характеризуются по тем звукам, которыми слоги начинаются и заканчиваются. В зависимости от этого слоги бывают открытыми и закрытыми. Главным законом слога является закон восходящей звучности. В отличие от фраз, речевых текстов и фонетических слов, слог обычно не обладает семантикой.

Ключевые слова: слог, открытый слог, закрытый слог, ударный слог, гласный и согласный, виды слогов, аффиксальная морфема.

SYLLABLE IN MODERN KARACHAY-BALKAR LANGUAGE

Guzeev Zhamal Magomedovich, doctor of philology, professor, leading scientific worker of the sector of karachay-balkarian language of the Institute for the Humanities Research – Affiliated Federal State Budgetary Scientific Establishment «Federal Scientific Center «Kabardian-Balkarian Scientific Center of the Russian Academy of Sciences» (IHR KBSC RAS), kbigi@mail.ru

Mahieva Lyudmila Hamangerievna, candidate of philology, associate professor, leading scientific worker of the sector of karachay-balkarian language of the Institute for the Humanities Research – Affiliated Federal State Budgetary Scientific Establishment «Federal Scientific Center «Kabardian-Balkarian Scientific Center of the Russian Academy of Sciences» (IHR KBSC RAS), liudmila.makhiieva@mail.ru

The article is devoted to the study of issues related to the properties and functions of the syllable and syllable structure in the modern Karachay-Balkarian language.

The scientific novelty of the work lies in the fact that it first addresses issues of the syllable structure of the word, taking into account its functional and descriptive features. The article identifies a number of phonetic and phonological factors that determine the significance of a syllable and a syllable section in the language under study, analyzes the theoretical positions of

the syllable, the syllable structure of the word. In addition to the general theoretical provisions, the concept of the syllable section presented in the study is based on the basic rules of Turkic phonetics.

The paper notes that there are several syllable theories in Turkic studies. The most acceptable for the modern Karachay-Blakar language is the sonor theory based on the acoustic criterion.

Like other Turkic languages, the studied language has six structural types of syllables, which are characterized by the sounds that syllables begin and end with. Depending on this, syllables are open and closed. The main law of the yearning is the law of rising sonority. Unlike phrases, speech texts and phonetic words, a syllable usually does not have semantics.

Keywords: syllable, open syllable, closed syllable, stressed syllable, vowel and consonant, types of syllables, affix morpheme.

DOI: 10.31007/2306-5826-2019-3-42-129-135